


RUNYORO / RUTOORO - "Who will deliver me?"

NOOHA ALINJUNA?

Ekiro kya Sande nkaba nintebeza enjiri ey'amahano omu kyaaro ekikooto ky'omukama wa Lesotho. Ekitebe ky'abantu, hamu n'omukama na mukaziwe bakesorooza okuhuliriza ekigambo kya Ruhanga. Ekigambo kya Ruhanga kyomeezi, kyamaani ky'obwogi bwingi okukira empirima yona ey'obwogi bubiri, kikacumita emitima y'abantu.

Obu nkaba ninkyatebeza, omugo, muk'omukama yatandika okuteera empamo asaairwe muno. Yayemerra, amaziga nigacukamuka omu maisoge, yarra n'okusaairwa kwingi nagamba ati "Nooha alinjuna? Ai bambi nkonyera, nsaairwe omu mutima, nyowe ndi muntu omunaku, kandi w'obujune. Nooha alinkonyera? Nooha ali nsumurra enjegere zinu embi ez'ebibi? Ndagira nta? Inywe inyweena mumanyire ndi muk'Omukama kandi ndi omu hali abakazi abasomi.

NOOHA ALINJUNA?



Anyakukora ekibi nuwe wa Sitaani. 1 Yohana 3:8

Mbaire ndi memba w'ekanisa emyaka makumi abiri n'okukiraho, baitu ebi byoona tibinkonyiire, tibisobora kumpa obugabe, ebibi bimbohere. Nyowe ndi mutamiizi, kandi omuisi. Engaro zange zibihire, ziijuire ebibi habwokuba zinyina amaani g'okuhisa amara - eky'okunywa eky'akyenerwe. Ebibi bimbohere emikono n'amaguru, ndi omunyankomo wa Gehena!"

Akeyongera okucura muno, yaikarra hansi nayamirra haiguru nagamba nti: "Njuna! Njuna! Ai, Nooha alinjuna? Nooha alinsumurra enjegere zinu ez'ebibi? Ruhanga nimungonza baitu ebiti bindermeriire, ebibi binkwasire nibinkurra nibintwara omu gehena. Nkaita omwana wange ow'obwojo omuzigaijo, nkaba muhekere ha mugongo ntamiire, mu tamiro egya nkagwa hansi nyabyamira omutwe gw'Omwana, enganjani yange, yaafa. Ai njuna, nsumurra okuruga omu kufa kunu! Embandwa etankonyere, edini etankonyere. Nooha alinkonyera? Nooha alinjuna!"

Nkagarukamu nimugambira nti: "Otatiina kandi otafoberra. Ekizibu kyaawe kiri kya buli muntu weena. Okugarukwamu kw'okurra okw'omu mutima gwaawe nukuruga omu Baibuli. Baibuli etugambira nkoku turukutungwa ekibi, kandi etugambira haroho arukusobora okutujuna."

Nkagarukamu nimugambira nti: "Otatiina kandi otafoberra. Ekizibu kyaawe kiri kya buli muntu weena. Okugarukwamu kw'okurra okwomu mutima gwaawe nukuruga omu Baibuli. Baibuli etugambira nkooku turukutungwa ekibi, kandi etugambira haroho arukusobora okutujuna."

"Baitu manyire nti omuli nyowe, omu mubiri gwange, tiharumu ekirungi. Baitu kugonza kuloho nambere ndi baitu okukora ekirungi tikuloho. Baitu ekirungi ekindikugonza tikiri nikyo nkora; baitu ekibi ekintarukugonza nikyo nkora baitu ninsemererwa ebiragiyo bya Ruhanga omu muntu ur'omunda: baitu mboine ebiragiyo ebindi omu bicweka byange ebirukurwana n'ebiragiyo by'amagezi gange, kandi nibinfoora omuhambwa hali ebiragiyo eby'ekibi ebiri omu bicweka byange." (Abarumi 7:15-25). Bwangu muno, rundi mpora, okucura kunu kuruga omu mutima gwa buli muntu weena - "Zimboine nyowe omunaku! Nooha alinjuna?"

KUNU NUKWO KUGARUKWAMU

"Omwana obu alibafoora ab'obugabe muliba ab'obugabe mali." Yohana 8:36.


Yesu nuwe kugarukwamu kw'ebikaguzo byaitu byoona, ebirukukwata ha bwomeezi obutahwaho. Nuwe okugarukwamu kwa buli kikaguzo kyoona eky'oinakyo. Busaho okujunwa omu ibara lindi okuihaho omu ibara lya

Yesu lithuhikiirire itwe okujunirwamu. Engeso 4:12. Yesu wenka nuwe asobora okutujuna okuruga mu bibi byaitu. Esagama ye eyaseesekere ha musaraba, egi yonka, n'esobora okutwogyaho ekibi kyoona. Busaho omufumu, rundi omubazi, omurogo, rundi ekanisa, rundi nyakatagara, arukusobora okukujuna okuruga omu bibi. Yesu wenka, Omwana gw'Entama gwa Ruhanga arukuihaho ebibi by'ensi, asobora kukujuna habw'esagama ye n'ahabw'amaani g'Omwoyo gwe.

"Yesu Omwana wa Ruhanga akaija omu nsi munu okuigura amaiso g'abafu b'amaiso, okuihaho abanyankomo omu nju y'enkomo." Isaya 42:6,7.

Yesu akagamba "Weena arukukora ekibi nuwe omuiru rubaale w'ekibi baitu Omwana obu alibafoora ab'obugabe, muliba ab'obugabe mali." Yohana 8:34-36. Yesu nuwe amananu agatufoora ab'obugabe.

Yesu Omwana wa Ruhanga aketweka ebibi byaitu byoona omu mubiri gwe wenka ha musaraba. Ebibi byaawe byoona bikabambwa ha musaraba. "Mazimakwo ahimbire endwara zaitu, ayetwekere obujune bwaitu; akahutara habw'eby'okusiisa byaitu, akasaasangurwa habw'eby'okutahikirra byaitu, okuteerwa kw'omu businge bwaitu kukaba kuli hali uwe, n'emiigo ye niyo etukiza itwe." (Isaya 53:3-7).



Omwana abu alibafoora ab'obugabe muliba ab'obugabe mali. (Yohana 8:36).

Baraaba akaba ali omusiisi mukuru kandi omuisi, akacwerwa omusango gw'okufa. Y'akubambirwe baitu omu kiikaro kye Yesu aketweka

omusaraba ogu y'akufereireho. Yesu Omwana wa Ruhanga akabambwa omu kiikaro kya Baraaba, omu kiikaro kyaawe n'omu kiikaro kyange. Omuisi akatunga obugabe habw'okuba omuntu ondi akamufera. Iwe na nyowe nitusisana na Baraaba oli.

Empeera y'ekibi kufa baitu ekiseembo eky'embabazi ekya Ruhanga bwomeezi obutahwaho omu Kristo Yesu. Obu oratunurra omusaraba gwa Kristo omu kuikiriza, orayerora wenka nkooku oli. N'ebibi byaawe orabirora bibambirwe ha musaraba. Yesu akafa omu kiikaro kyaawe ha musaraba nukwo oyomeere ebiro byoona. Akaseesa esagama ye nukwo aiheho ebibi byaawe. Nukwo ati Ruhanga yakugondeze nahayo Omwana we omu wenka, oleke okufa baitu otunge obwomeezi obutahwaho.

Hanyuma y'okuhurra ebigambo binu byoona Omugo akaikiriza Yesu. Akahayo obwomeezi bwe hali ogu ayamufereire ha musaraba n'okuseesa esagama ye ey'omuhendo nukwo amwoyeho ebibi bye byoona. Akaha Ruhanga omutuma gwe gw'ekibi na Ruhanga yamuha omutuma muhyaka n'okumuijuza Omwoyo Arukwera. Hamu n'ebi, Ruhanga atamuganyire ebibi byonka baitu akamujuna omu maani n'omu buiru bw'ekibi. Emyaka mingi okuruga omu kasumi ako yagendera omu bwomeezi burungi abw'obusinguzi hali ekibi. Uwe hati takyanywa amaarwa goona, takyanywa taaba, rundi kulya katama. Hati obwomeezi bwe burungi kandi kaiso w'okusemererwa w'okujura amananu ngu weena araaba ali omu Kristo Yesu buli afookere ekihangirwe ekihyaka "Ebya ira bihoireho, dora, byoona bihyaka." 11 Abakolinso 5:17.

Naiwe arukusoma mugenzi wange, osobora okufoorwa ow'obugabe omu kuikiriza mu Kristo Yesu. Yesu akagamba "Muije nambere ndi inywe IN-YWEENA abajwahire n'abalemerirwe, na nyowe ndabahumiza." Ija hali Yesu nkooku oli. Omugambire ebibi byaawe byoona n'ebizibu byaawe byoona. Tasobora kukubinga na kake, obu oraija nambere ali n'omutima guzizire kandi gucwekere noikiriza. Rundi iwe oli mamba w'ekanisa okumara obusumi bwingi baitu okyaboherwe ekibi. Ija hali Yesu arakufoora ow'obugabe nkooku yakirize omugenge n'omufu w'amaiso. Yesu nuwe ogu arukukiza omutima gucwekere kandi aba nyankoma abaha obugabe. Arukuganyira eby'okusiisa byaitu BYOONA n'okukiza endwara zaitu ZOONA. (Zabuli 103:3).

Ohaire Yesu omutima gwaawe, manyisa n'abandi hali ogu akujunire. Naitwe twakugondeze okuhurra kuruga nambere oli.

J.R. Gschwend

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)